

Date : 8 Jun 2017
Title : Staf UKSB, pelajar IPT masak bubur lambuk
Publication : Kosmo!
Page : 6

Staf UKSB, pelajar IPT masak bubur lambuk

BANGI - Kira-kira 100 orang kakitangan Utusan Karya Sdn. Bhd. (UKSB) dan pelajar institusi pengajian tinggi (IPT) di sekitar Bangi bergotong-royong menyediakan bubur lambuk untuk diedarkan kepada orang ramai di pejabat UKSB di sini kelmarin.

Program Sajian Amal yang memasuki tahun ketiga penganjurannya itu merupakan anjuran majalah *Saji* yang merupakan sebuah majalah masakan terbitan UKSB.

Pengarang majalah *Saji*, Rosmarlinda Kamarudin berkata, program kali ini berbeza apabila pihaknya turut menyediakan 1,000 bungkus makanan berlauk untuk

diedarkan kepada pelajar di Kolej Universiti Islam Antarabangsa Selangor, Institut German-Malaysia, Universiti Kebangsaan Malaysia dan Universiti Tenaga Nasional.

"Bubur lambuk sebanyak 4,000 bungkus pula akan diedarkan kepada orang ramai di Seksyen 9 di sini.

"Semoga program ini dapat mempromosikan jenama UKSB kepada orang ramai sekali gus membuat amal jariah sempena bulan Ramadan," katanya ketika ditemui.

Hadir sama Pengarang Kanan Promosi dan Jualan UKSB, Noor Joha Ahmad.



ROSMARLINDA (empat dari kanan) bersama Noor Joha (empat dari kiri) dan kakitangan UKSB memasak bubur lambuk di pejabat UKSB, Bangi kelmarin.